



04 759

0414

Broj:01- 02-858 /06

Datum, 07.02 2006. godine

Na osnovu člana 7. stav (1) i (2) i člana 8. stav (1) Zakona o sistemu indirektnog oporezivanja u Bosni i Hercegovini («Službeni glasnik BiH» broj 44/03, 52/04, člana 61. Zakona o upravi («Službeni glasnik BiH» broj 32/02) te člana 15. stav 1. Zakona o Upravi za indirektno oporezivanje («Službeni glasnik BiH» broj 89/05), direktor Uprave za indirektno oporezivanje donosi

INSTRUKCIJU
o postupanju ovlaštenih službenih lica u postupku revizije i kontrole indirektnih poreza

Član 1.

Ovom instrukcijom propisuje se postupanje ovlaštenih službenih lica u postupku revizije i kontrole indirektnih poreza.

Član 2.

Državni službenici zaposleni u Upravi za indirektno oporezivanje, Sektor za poreze, koji obavljaju poslove revizije i kontrole i kontrole velikih poreskih obveznika, sa statusom ovlaštenog službenog lica, u smislu odredbi člana 2. Zakona o Upravi za indirektno oporezivanje («Službeni glasnik BiH» broj 89/05) i svojstvom inspektora shodno odredbi člana 33. istog zakona, pri obavljanju propisanih im poslova postupaju na sljedeći način: izrađuju i potpisuju zapisnike o izvršenoj kontroli i iste dostavljaju šefu Grupe radi preduzimanja mjera iz njegove nadležnosti; donose odluke o dodatnom razrezu poreske obaveze i otklanjanju nedostataka utvrđenih u postupku kontrole;

b) Šef Grupe za kontrolu velikih poreskih obveznika i Šef Grupe za reviziju i kontrolu:

donosi odluke o povratu indirektnih poreza po zahtjevu poreskog obveznika iz nadležnosti Sektora za poreze, osim o zahtjevu po prijavi za samooporezivanje, te odlučuje o drugim pitanjima iz djelokruga rada Grupe; daje naloge za kontrolu shodno članu 11. stav 3. Pravilnika o kontroli indirektnih poreza («Službeni glasnik BiH» broj 3/06); analizira sadržaj svakog zapisnika o izvršenoj kontroli i potpisuje prekršajne prijave na osnovu odgovarajućeg zapisnika.

c) Šef grupe za obradu poreskih prijava donosi odluke o povratu i priznavanju poreskog kredita indirektnih poreza po osnovu prijava samooporezivanja (član 22. stav 1. Zakona o Upravi za indirektno oporezivanje).

Član 3.

Prvostepene odluke po žalbama izjavljenim na rješenja donijeta od strane službenika iz člana 2. ove instrukcije donosi šef Odsjeka za poreze u regionalnom centru (član 138. Zakona o postupku indirektnog oporezivanja)

Član 4.

Ova instrukcija stupa na snagu narednog dana od dana donošenja i ista će biti objavljena na WEB stranici UIO.

Dostaviti:

1. 01, 01/2, 01/4
2. 02,
3. 03
- ④ 04
5. 05
6. 06
7. Regionalnim centrima

